



**ZAPISNIK O RADU 51. SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 03.01.2024. GODINE**

Broj: 01-GV-02-07/24  
Sarajevo, 03.01.2024. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović-Čengić“
5. Muamer Mekić, predsjedavajući Kluba gradskih vijećnika Socijaldemokratske partije BiH
6. Bajro Biber, predsjedavajući Kluba gradskih vijećnika „USD-BOSS“
7. Seid Škaljić, predsjedavajući Kluba gradskih vijećnika “Seid Škaljić-Željko Majstorović”
8. Elvedin Korora, zamjenik predsjedavajućeg Kluba gradskih vijećnika „Korora/Skorupan“

Odsutni: Adi Škaljić, predsjedavajući Kluba gradskih vijećnika Naše stranke, Samir Bejić, predsjedavajući Kluba gradskih vijećnika „Danijela Šahat - Samir Bejić“, Vedran Dodik, predsjedavajući Kluba gradskih vijećnika „SMS-Savez za Stari Grad-Srdan Srdić“, Enisa Spahić, predsjedavajuća Kluba gradskih vijećnica „Enisa Spahić-Amra Zulfikarpašić“ i Mila Eminović, sekretar Gradskog vijeća

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, sekretarka organa uprave.

Sjednici su prisustvovale Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

**Jasmin Ademović, predsjedavajući Gradskog vijeća** je otvorio sjednicu u 14.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 50. sjednice Kolegija Gradskog vijeća, održane 01.12.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 51. sjednice Kolegija Gradskog vijeća, tako da glasi:

1. Donošenje Okvirne dinamike aktivnosti u pripremi sjednica Gradskog vijeća Grada Sarajeva u 2024. godini
2. Predlaganje članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2023./2024. godinu
3. Priprema za održavanje 35. sjednice Gradskog vijeća Grada Sarajeva



#### 4. Tekuća pitanja

**Član Kolegija Muamer Mekić** je upoznao članove Kolegija Gradskog vijeća da će Klub gradskih vijećnika Socijaldemokratske partije Bosne i Hercegovine uputiti prijedlog Predsjedavajućem Gradskog vijeća da se Muamer Mekić razrješi dužnosti člana Odbora za informatiku i telematiku Grada Sarajeva, a u Odbor izabere gradski vijećnik Elvedin Korora.

##### Ad 1)

#### **Donošenje Okvirne dinamike aktivnosti u pripremi sjednica Gradskog vijeća Grada Sarajeva u 2024. godini**

U uvodnim napomenama, **Jasmin Ademović, predsjedavajući Gradskog vijeća** je podsjetio članove Kolegija da je uz poziv za sjednicu Kolegija dostavljena Okvirna dinamika aktivnosti u pripremi sjednica Gradskog vijeća Grada Sarajeva u 2024. godini.

Upoznao je članove Kolegija da je raspored za prvih pet mjeseci određen kratkim vremenskim periodom u kome je potrebno izvršiti niz aktivnosti da bi se održale planirane sjednice Gradskog vijeća, ali i druge aktivnosti u kojim učestvuju gradski vijećnici odnosno funkcioneri gradskog vijeća.

Na prijedlog **Jasmina Ademovića, predsjedavajućeg Gradskog vijeća** Kolegij Gradskog vijeća, bez rasprave, **jednoglasno je usvojio** sljedeći **zaključak**:

**Kolegij Gradskog vijeća Grada Sarajeva donio je Okvirnu dinamiku aktivnosti u pripremi sjednica Gradskog vijeća Grada Sarajeva u 2024. godini kako je dostavljena uz poziv za sjednicu Kolegija i koja je prilog ovog akta.**

##### Ad2)

#### **Predlaganje članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2023./2024. godinu**

U uvodnim napomenama **Jasmin Ademović, predsjedavajući Gradskog vijeća** je podsjetio članove Kolegija Gradskog vijeća da je Programom rada Gradskog vijeća Grada Sarajeva za 2024. godinu, a na osnovu Odluke o stipendiranju učenika srednjih škola iz Budžeta Grada Sarajeva, planirano da se na 35. (januarskoj) sjednici Gradskog vijeća razmatra Prijedlog Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2023./2024. godinu.

Također je podsjetio da Gradonačelnica donosi Rješenje o imenovanju zajedničke Komisije za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva za tekuću školsku godinu, da tri člana Komisije čine predstavnici Gradske uprave Grada Sarajeva, a četiri člana predstavnici Gradskog vijeća Grada Sarajeva, te da Komisija za izbor i imenovanja utvrđuje Prijedlog Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2023./2024. godinu i upućuje ga Gradskom vijeću na razmatranje.

Istakao je da je potrebno da Kolegij Gradskog vijeća uputi prijedlog četiri kandidata, predstavnika Gradskog vijeća Grada Sarajeva, Komisiji za izbor i imenovanja.

Podsjeti je da su Komisiju za školsku 2022./2023. godinu, iz reda gradskih vijećnika, činili **Mirela Džehverović, Toni Vukadin, Srđan Srdić i Bajro Biber.**

**Jasmin Ademović, predsjedavajući Gradskog vijeća** je predložio da Kolegij uputi Komisiji za izbor i imenovanja prijedlog istih kandidata, predstavnika Gradskog vijeća Grada Sarajeva, kao i prethodne godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 1. Kolegij Gradskog vijeća utvrđuje prijedlog za izbor kandidata za članove Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2023./2024. godinu iz reda gradskih vijećnika i to: Mirela Džehverović, Toni Vukadin, Srđan Srdić i Bajro Biber.**
- 2. Kolegij Gradskog vijeća utvrđeni prijedlog za izbor kandidata upućuje Komisiji za izbor i imenovanja Gradskog vijeća na dalje postupanje.**

**Ad3)**

**Priprema za održavanje 35. sjednice Gradskog vijeća Grada Sarajeva**

*a. Termin održavanja sjednice i dinamika aktivnosti u pripremi sjednice Gradskog vijeća*

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći **zaključak**:

- 35. sjednica Gradskog vijeća će se održati u **srijedu 24.01.2024. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **petak 05.01.2024. godine do 12.00 sati**;
- Sjednice radnih tijela, u pripremi 35. sjednice Gradskog vijeća, će se održati u **sedmici koja počinje sa ponedjeljkom 08.01.2024. godine**;
- Pozivi gradskim vijećnicima za 35. sjednicu Gradskog vijeća će se uputiti u **utorak 16.01.2024. godine**.

*b. Praćenje realizacije Programa rada Gradskog vijeća Grada Sarajeva*

Konstatovano je odnosno zaključeno sljedeće:

Informacija o realizaciji vijećničkih pitanja i inicijativa, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 35. sjednice Gradskog vijeća.

Informacija o realizaciji projekta „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) za 2023. godinu, prema informaciji Gradonačelnice, **nije spremna** i neće biti uvrštena u prijedlog dnevnog reda 35. sjednice Gradskog vijeća.

Prijedlog Odluke o davanju saglasnosti na Program rada Javne ustanove “Gradski muzeji” Sarajevo za 2024. godinu, čiji je predlagač Upravni odbor Javne ustanove „Gradski muzeji“, prema raspoloživim informacijama, **će biti pripremljen** i očekuje se da će biti uvršten u prijedlog dnevnog reda 35. sjednice Gradskog vijeća.

Informacija o realizaciji društveno – korisnih projekata i aktivnosti JP „Olimpijski bazen Otoka“ d.o.o. Sarajevo, sa prijedlogom mjera i aktivnosti u realizaciji projekta, čiji je predlagač Skupština JP „Olimpijski bazen Otoka“ d.o.o. Sarajevo, prema raspoloživim informacijama **će biti pripremljena** i očekuje se da će biti uvrštena u prijedlog dnevnog reda 35. sjednice Gradskog vijeća.

Informacija o radu Odbora za organizaciju obilježavanja 40. godišnjice zimskih olimpijskih igara održanih 1984. u Sarajevu, čiji je predlagatelj Organizacioni odbor 40 - ZOI 84 Sarajevo, **je spremna** i očekuje se da će biti uvrštena u prijedlog dnevnog reda 35. sjednice Gradskog vijeća.

Prijedlog Odluke o visini novčanog iznosa "Šestoaprilske nagrade Grada Sarajeva" u 2024. godini, čiji je predlagatelj Administrativna komisija Gradskog vijeća, **je spreman** i očekuje se da će biti uvršten u prijedlog dnevnog reda 35. sjednice Gradskog vijeća.

Prijedlog Odluke o izmjeni i dopuni Odluke o načinu sticanja statusa udruženja i fondacija od posebnog interesa za Grad Sarajevo, prema informaciji Gradonačelnice, **nije spreman** i neće biti uvršten u prijedlog dnevnog reda 35. sjednice Gradskog vijeća.

Prijedlog Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2023./2024. godinu, čiji je predlagatelj Komisija za izbor i imenovanja, **je spreman** i očekuje se da će biti uvršten u prijedlog dnevnog reda 35. sjednice Gradskog vijeća

Prijedlog Odluke o dopuni Kalendara obilježavanja datuma i događaja od značaja za Grad Sarajevo, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 35. sjednice Gradskog vijeća.

Informacija o implementaciji plana djelovanja za mlade za posljednji kvartal 2023. godine, planirana u Programu rada Gradskog vijeća Grada Sarajeva za 2023. godinu za razmatranje u januaru mjesecu 2024. godine, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 35. sjednice Gradskog vijeća.

*c. Teme planirane Programom rada Gradskog vijeća Grada Sarajeva za 2023. godinu, koje nisu realizovane*

Informacija o procesu donošenja Urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) za period 2015. - 2035. godina i obaveznoj primjeni mjera zaštite ventilacionih koridora, prema informaciji Gradonačelnice, **nije spremna** i neće biti uvrštena u prijedlog dnevnog reda 35. sjednice Gradskog vijeća.

Informacija o realizaciji Projekta obnove astronomske opservatorije Trebević, prema informaciji Gradonačelnice, **nije spremna** i neće biti uvrštena u prijedlog dnevnog reda 35. sjednice Gradskog vijeća.

Izveštaj o korištenju sredstava tekuće rezerve, prema informaciji Gradonačelnice, **nije spreman** i neće biti uvrštena u prijedlog dnevnog reda 35. sjednice Gradskog vijeća. Navedeni izvještaj će biti razmatran na sjednici Gradskog vijeća koja će se održati u martu mjesecu.

Izveštaj o provođenju Akcionog plana rodne ravnopravnosti u 2022./2023. godini, prema informaciji Gradonačelnice, **nije spreman** i neće biti uvršten u prijedlog dnevnog reda 35. sjednice Gradskog vijeća.

Informacija o provedbi Zakona o ravnopravnosti spolova BiH u Kantonu Sarajevo, prema informaciji Gradonačelnice, **nije spremna** i neće biti uvrštena u prijedlog dnevnog reda 35. sjednice Gradskog vijeća.

Informacija o realizaciji projekta „SKYWALK – SARAJEVO EYE“, prema informaciji Gradonačelnice, **nije spremna** i neće biti uvrštena u prijedlog dnevnog reda 35. sjednice Gradskog vijeća.

Nacrt Odluke o podizanju spomenika ženi Sarajeva, prema informaciji Gradonačelnice, **nije spreman** i neće biti uvršten u prijedlog dnevnog reda 35. sjednice Gradskog vijeća.

Prijedlog Odluke o podizanju spomen-ploče Aidi Buturović, prema informaciji Gradonačelnice, **je spreman** i bit će uvršten u prijedlog dnevnog reda 35. sjednice Gradskog vijeća.

Informacija o realizaciji projekta sanacije zacjevljenog Bistričkog potoka, prema informaciji Gradonačelnice, **je spremna** i bit će uvrštena u prijedlog dnevnog reda 35. sjednice Gradskog vijeća.

Sjednici Kolegija pristupio član Kolegija Toni Vukadin u 14.22. sati.

Sjednicu Kolegija napustio član Kolegija Vedad Deljković u 14.22. sati.

#### *d. Novi prijedlozi*

**Benamina Karić, gradonačelnica Grada Sarajeva** je, za 35. sjednicu Gradskog vijeća, predložila i obrazložila prijedlog sljedećih materijala:

Prijedlog Odluke za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu,

Nacrt Odluke o usvajanju Regulacionog plana „Alipašin Most VI“ sa Nacrtom Odluke o provođenju Regulacionog plana „Alipašin Most VI“,

Prijedlog Odluke o davanju saglasnosti gradonačelnici Grada Sarajeva za potpisivanje Ugovora o privremenom korištenju, bez naknade, nekretnine - vikend objekta,

U raspravi, koja je uslijedila, o predlaganju Odluke o davanju saglasnosti gradonačelnici Grada Sarajeva za potpisivanje Ugovora o privremenom korištenju, bez naknade, nekretnine - vikend objekta učestvovala je **Benamina Karić, gradonačelnica Grada Sarajeva, članica Kolegija Mirela Džehverović, zamjenica predsjedavajućeg Gradskog vijeća i član Kolegija Seid Škaljić.**

Nakon rasprave, **Jasmin Ademović, predsjedavajući Gradskog vijeća** je konstatovao da su članovi Kolegija, u svojim diskusijama, podržali namjeru Gradonačelnice da prikupi i prezentira Gradskom vijeću punu informaciju o korištenju i održavanju nekretnine - vikend kuće u naselju Gajevi, općina Ilijaš te da razmotri i predloži kraći rok od 5 (pet) godina za potpisivanje novog ugovora.

Prijedlog Odluke o utvrđivanju posebnog značaja za Grad Sarajevo za Udruženje turističkih vodiča grada Sarajeva “Vučko”,

Prijedlog Odluke o uslovima i postupku prihvatanja pokroviteljstva Grada Sarajeva.

**Ad 4)**

**Tekuća pitanja**

**Jasmin Ademović, predsjedavajući Gradskog vijeća** je podsjetio članove Kolegija da je javni poziv za predlaganje kandidata za dodjelu „Šestoaprilske nagrade Grada Sarajeva“ za 2024. godinu otvoren do 25.01.2024. godine do 16.00 sati.

Također je podsjetio da će se u ponedjeljak 08.01.2024. godine u Olimpijskom muzeju održati press konferencija na kojoj će, zajedno sa Olimpijskim komitetom Bosne i Hercegovine i Ministarstvom kulture i sporta Kantona Sarajevo, biti predstavljen Program obilježavanja ZOI 84.

\*\*\*\*\*

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.35 sati.

*SEKRETAR GRADSKOG VIJEĆA*

*Mila Eminović*

*PREDSJEDAVALJUĆI GRADSKOG VIJEĆA*

*Jasmin Ademović*